



LE  
FRACCHIE  
di San Marco in Lamez  
SIRACUSA

IL  
MUSEO  
DEI SETTE  
DOLORI  
SIRACUSA

## STABAT MATER

Stabat Mater dolorosa  
iuxta crucem lacrimosa,  
dum pendebat Filius.

Cuius animam gementem,  
contristatam et dolentem  
pertransiit gladius.

O quam tristis et afflicta  
fuit illa benedicta  
Mater Unigeniti!

Quae moerebat et dolébat,  
Pia Mater dum videbat  
nati poenas ineluti.

Quis est homo, qui non fleret,  
Matrem Christi si vidéret  
in tanto supplicio?

Quis non posset contristári,  
Christi Matrem contemplári  
dolentem cum Filio?

Pro peccatis suae gentis  
vidit Jesum in torméntis  
et flagéllis subditum.

Vidit suum dulcem natum  
moriéndo desolatúm,  
dum emisit spíritum.

Eia, mater, fons amoris,  
me sentíre vim doloris  
fac, ut tecum lúgeam.

Fac, ut árdeat cor meum  
in amándo Christum Deum,  
ut sibi compláceam.

Sancta Mater, istud agas,  
crucifixi fige plagas  
cordi meo válide.

Tui Nati vulneráti,  
tam dignáti pro me pati,  
poenas mecum dívide.

Fac me tecum píe flere,  
Crucifixo condolére  
donec ego víxero.

Iuxta crucem tecum stare,  
Et me tibi sociáre  
in planctu desídero.

Virgo vírginum praeclára,  
mihi iam non sis amára,  
fac me tecum plángere.

Fac, ut portem Christi mortem,  
passiónis fac consórtem  
et plagas recólere.

Fac me plagis vulnerári,  
cruce hac inebriári  
et cruòre Fílii.

Flammis ne urar succènsus,  
per te, Virgo, sim defénsus  
in die iudícii.

Fac me cruce custodíri  
morte Christi praemuníri,  
confovéri grátia.

Quando corpus moriétur,  
fac, ut ánimae donétur  
paradísi glória. Amen.